



მიტროპოლიტმა ილარიონმა ამერიკისა და სრულიად კანადის უნეტარეს მიტროპოლიტ ტიხონს თანამწირველობა გაუწია ნიუ-იორკის წმინდა ნიკოლოზის სახელობის ტაძარში



2021 წლის 10 ივლისს, მოსკოვისა და სრულიად რუსეთის უწმინდესი პატრიარქის, კირილეს ლოცვა-კურთხევით, საგარეო საეკლესიო კავშირების განყოფილების თავმჯდომარე სამუშაო ვიზიტით ამერიკის შეერთებულ შტატებს ეწვია.

ნიუ-იორკის აეროპორტში მეუფე ილარიონს დახვდნენ რუსეთის ფედერაციის გენერალური კონსული ნიუ-იორკში ს.კ. ოვსიანიკოვი, წმინდა ნიკოლოზის სახ. საპატრიარქო ტაძრის კლირიკოსები – ილუმენი ნიკოდიმოსი (ბალიასნიკოვი) და მღვდელი მარკოზ რაშკოვი.

11 ივლისს ნიუ-იორკის წმინდა ნიკოლოზის სახ. საპატრიარქო ტაძარში საღვთო ლიტურგია აღავლინა ვაშინგტონის უნეტარესმა მთავარეპისკოპოსმა, სრულიად ამერიკისა და კანადისა მიტროპოლიტმა

ტიხონმა. ამერიკის მართლმადიდებელი ეკლესიის მეთაურთან თანამშრომლობდა ვოლოკოლამსკის მიტროპოლიტი ილარიონი. ღვთისმსახურებაში ასევე მონაწილეობდნენ ამერიკის მართლმადიდებელი ეკლესიის მდივანი მღვდელი ალესანდრო მარგერიტინო და წმინდა ნიკოლოზის სახ. ტაძრის სამღვდლოება.

მსახურების დასასრულს, მიტროპოლიტ ტიხონისადმი მიმართვაში მეუფე ილარიონმა ბრძანა:

„თქვენო უნეტარესობავ, უნეტარესო ტიხონ, ვაშინგტონის მთავარეპისკოპოსო, სრულიად ამერიკისა და კანადის მიტროპოლიტო!

ნება მიბოძეთ, გულითადად მოგესალმოდეს მისი უწმინდესობის, მოსკოვისა და სრულიად რუსეთის უწმინდესი პატრიარქის კირილეს სახელით, ნიუ-იორკის წმინდა ნიკოლოზის სახ. საპატრიარქო ტაძარში. თქვენ მრავალჯერ იყავით სტუმრად ამ ტაძარში – ამერიკის მიწაზე რუსეთის მართლმადიდებელი ეკლესიის სულიერ და ლიტურგიკულ ცენტრში, მაგრამ ბოლო დროს პანდემიამ ხელი შეგიშალათ, მოგელოცათ ეს ტაძარი. და აი, დღეს, როდესაც პანდემია ჯერ კიდევ არ დასრულებულა, მაგრამ საგრძნობლად დასუსტდა ამერიკის კონტინენტზე, ჩვენ გვაქვს შესაძლებლობა აქ გულითადად მოგესალმოდეს.

განსაცდელი თავს დაატყდა მსოფლიოს ყველა ხალხს. ჩვენ ვიხსენებთ, როგორ იყო დაკეტილი წინა პასეჟის დღესასწაულზე ჩვენთან, რუსეთშიც, და აქაც, ამერიკაში, უამრავი ტაძარი მრევლისთვის: მართალია, აღესრულებოდა ღვთისმსახურება, მართალია იწირებოდა უსისხლო მსხვერპლი, მაგრამ ადამიანების უმრავლესობას ამის დანახვა მხოლოდ საკუთარი კომპიუტერების ეკრანზე შეეძლოთ და არ ჰქონდათ შესაძლებლობა მსახურებას ეკლესიაში დასწრებოდნენ.

პანდემიის უმძიმესმა ტალღამ, რომელმაც გასული წლის შემოდგომასა და ზამთარში ამერიკა დაფარა, ათობით და ასი ათასობით ადამიანის სიცოცხლე იმსხვერპლა. რუსეთმა და რუსეთის მართლმადიდებელი ეკლესიის კანონიკური მყოფობის სხვა ქვეყნებმაც ასევე სრულად განლიეს განსაცდელის ეს სასმისი – ჩვენც დიდი დანაკარგი მივიღეთ. რუსეთში კორონავირუსისგან 140 ათასზე მეტი ადამიანი გარდაიცვალა, ხოლო მისი შედეგებით – იმდენი, რამდენი ჩვენ არ ვიცით, და ალბათ, ვერც ვერასდროს შევძლებთ დავითვალოთ.

სამწუხაროდ, თუკი ამერიკაში, როგორც ვხედავთ, პანდემია უკან მიიწევს, რუსეთში ახალი ტალღა დაიწყო, იმიტომ რომ, მიუხედავად იმისა, რომ რუსეთი პირველი ქვეყანა იყო, რომელმაც ვაქცინა გამოიგონა, ვაქცინაცია მიმდინარეობდა არა სათანადო სისწრაფით, და დღეს ჩვენ დაინფიცირების ახალი ტალღა გვაქვს, კვლავ უამრავია გარდაცვალების შემთხვევა. ჩვენ შევთხოვთ უფალს, რომ რაც შეიძლება მალე დასრულდეს ეს განსაცდელი ჩვენთვისაც და თქვენთვისაც.

ყველა ამ სამწუხარო მოვლენამ ხელი შეგვიშალა, ერთობლივად აღგვენიშნა გასულ წელს ამერიკის მართლმადიდებელი ეკლესიის მნიშვნელოვანი საიუბილეო თარიღი – მისი ავტოკეფალიის 50 წლისთავი.

მართლმადიდებელი ეკლესია ამერიკაში წარმოადგენს რუსი მისიონერების, რუსი იერარქებისა და სამღვდელოების გამომხსენებლობითი მოღვაწეობის ნაყოფს, რომლებმაც ამერიკის კონტინენტზე მართლმადიდებლობა მოიტანეს ალიასკის გავლით, დასავლეთ სანაპიროდან, შემდეგ კი ის აქამდეც მოვიდა – აშშ-ს აღმოსავლეთ სანაპირომდე. უამრავი შრომა ჩაიდო იმაში, რომ მართლმადიდებლური სარწმუნოება გაბრწყინებულიყო ამერიკის კონტინენტზე. და აი, 1970 წელს მართლმადიდებელი ეკლესია ამერიკაში, რომელიც იყო რუსეთის მართლმადიდებელი ეკლესიის ასული, მისი უსაყვარლესი და გახდა. მას ებოძა ავტოკეფალია იმ შეუქცევადი უფლებით, რომელსაც ყველა ადგილობრივი ავტოკეფალური მართლმადიდებელი ეკლესია ფლობს: თავად განსაზღვროს თავისი ყველა იმ ნაწილის მომავალი, რომელიც გაიზარდა და დამოუკიდებლობას მიაღწია. და მიუხედავად იმისა, რომ უკანასკნელ დროს გამოჩნდა ახალი თეორიები და ახალი შეხედულებები ამ საკითხზე, ჩვენ, ვუყურებთ რა ისტორიას, ვხედავთ, რომ ავტოკეფალიის ბოძების პროცესი არასდროს ყოფილა ერთსახოვანი, მაგრამ ფუძემდებელი პრინციპი ყოველთვის იყო შენარჩუნებული: ავტოკეფალურობას დედა-ეკლესია ანიჭებდა თავის შვილ-ეკლესიას.

ამერიკის მართლმადიდებელი ეკლესიის ისტორიაში იმ უმნიშვნელოვანესი მოვლენის წყალობით, ეს წმინდა მართლმადიდებელი ეკლესია გახდა ქვეყნარტად ეროვნული ეკლესია თავისი ხალხისა, სადაც ადამიანებს შეუძლიათ მიიღონ მონაწილეობა ღვთისმსახურებაში საკუთარ ენაზე. ეს ეკლესია დღეს დინამიურად ვითარდება და მშვენიერდება თქვენი უნეტარესობის პირველიერარქი ომოფორის ქვეშ.

მოსკოვისა და სრულიად რუსეთის უწმინდესი პატრიარქის კირილეს სახელით, გულითადად გილოცავთ ამ ზოგადსაეკლესიო მოვლენებს, ასევე, თქვენი უნეტარესობის ცხოვრებაში მოახლოებულ მნიშვნელოვან საიუბილეო თარიღს – დაბადებიდან 55 წლისთავს. ჩვენ თანატოლები ვართ: ჩვენი დაბადების დღის თარიღებში სულ ერთ კვირაზე ცოტა მეტი სხვაობაა. ჩემთვის ძალიან სასიამოვნოა, რომ ჩვენი თაობის ადამიანებს დღეს აქვთ შესაძლებლობა, ემსახურონ ქრისტეს ეკლესიას და საკუთარი ძალები თავისი სამწყსოს მსახურებას მოახმარონ. მინდა გისურვოთ, რომ თქვენი ცხოვრების 55 წლის შემდგომ წლებში უფალმა განგამტკიცოთ და თქვენს უნეტარესობას უბოძოს ძალა იმისა, რომ ღირსეულად ატაროთ მღვდელთმთავრისა და პირველი იერარქის მძიმე ჯვარი“.

საპასუხო სიტყვაში უნეტარესი მიტროპოლიტი ტიხონი თბილად მიესალმა ვოლოკოლამსკის მიტროპოლიტ ილარიონს, აღნიშნა სულიერი, კანონიკური და სარწმუნოებრივი ერთობა ამერიკის მართლმადიდებელი ეკლესიისა თავის დედა ეკლესიასთან – მოსკოვის საპატრიარქოსთან. „ძვირფასო მეუფევე ილარიონ, მე მოხარული ვარ თქვენთან ერთობლივი ღვთისმსახურების შესაძლებლობისათვის, მიუხედავად იმისა, რომ კორონავირუსული ინფექციის პანდემია კვლავ გრძელდება“, – აღნიშნა მისმა უნეტარესობამ.

მოსკოვის საპატრიარქოს საგარეო საეკლესიო კავშირების განყოფილების თავმჯდომარემ, ვოლოკოლამსკის მიტროპოლიტმა ილარიონმა სრულიად ამერიკისა და კანადის უნეტარეს მიტროპოლიტ ტიხონს, მოსკოვისა და სრულიად რუსეთის უწმინდეს პატრიარქ კირილესგან საჩუქრად წმინდა პანალია

გადასცა.

მეუფე ილარიონმა ასევე სიტყვით მიმართა წმინდა ნიკოლოზის სახ. საპატრიარქო ტაძრის სამღვდელოებს და მრევლს:

„ძვირფასო მამებო, ძვირფასო ძმებო და დებო!

მინდა გადმოგცეთ სალამი და ლოცვა-კურთხევა უწმინდეს პატრიარქ კირილესგან.

ჩვენ ყველამ გავიარეთ და ისევ განვაგრძობთ სვლას მძიმე განსაცდელების ცეცხლში. მაგრამ ღმერთი მონყალა: ამ დროს ის გვანუგეშებს ჩვენ თავისი მრავალი მადლმოსილი ძღვენით. ჩვენი მთავარი ნუგეში – ეს საღვთო მსახურებაა, რომელიც ტაძარში აღესრულება, წმინდა ევქარისტია, რომელშიც შეგვიძლია მონაწილეობა მივიღოთ, და ქრისტეს ხორცისა და სისხლის ზიარება, რომელიც ძალას გვაძლევს, გადავიტანოთ ამასაუკუნის განსაცდელი და მოვემზადოთ მომავალი ცხოვრებისათვის.

მინდა, ყველა ჩვენგანს ვუსურვო, რომ მტკიცედ დავიცვათ წმინდა მართლმადიდებლური სარწმუნოება, გვიყვარდეს ჩვენი ტაძრები, ვიყოთ ერთგულები უფლისა ჩვენისა იესო ქრისტესი საკუთარ ცხოვრებისეულ გზაზე და აღვასრულოთ მისი საღვთო მცნებები.

წმინდა ნიკოლოზის საპატრიარქო ტაძრის სასულიერო დასს ვუსურვებ ღვთის შემწეობას სამწყემსო მსახურების აღსრულებაში, რომელიც დღეს განსაკუთრებით მოთხოვნადი და ფრიად საჭიროა“.

წმინდა ნიკოლოზის ტაძრის ახალგაზრდული კლუბის თხოვნით, მეუფე ილარიონმა სამრევლოს თავისი სხვადასხვა წიგნი გადასცა.

აშშ-ში მოგზაურობის პერიოდში ვოლოკოლამსკის მიტროპოლიტ ილარიონის თანმხლები პირებია სსკგ-ს თანამშრომელი ფილიპე ჩემპიონი და იპოდიაკონი ვიაჩესლავ ლი.

სსკგ-ს კომუნიკაციების სამსახური

წყარო: <https://mospat.ru/ge/news/87718/>